



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1707**

Q. 114. Ad quid teneatur, qui vovit nunquam amplius ludere, v. g. chartis.

**urn:nbn:de:hbz:466:1-42515**

tantum venialiter, quia obligationes gratuitæ sunt potius restringendæ quam ampliandæ, ut dictum est num 381.

§. 23. Nemo tenetur manifestare se aliquid vovisse, ut sic facilitis obtineat media vel licentiam implendi suum Votum, nisi saltem tacite ad hoc se obligaverit, quia hæc revelatio non est inter media ordinaria, ad quæ solùm procuranda se obligavit, ita *Navar. Suar. Sanch. Laym.* L. 4. T. 4. c. 7. n. 7. *Tambur.* L. 3. c. 12. §. 5. num. 7. contra *Sotum, Armil. Az. Less.* Eum autem, qui dolet se aliquid vovisse, non ideo peccare mortaliter, habet *Busenb.*; peccare tamen venialiter putant *Castrop. & Tamb.* §. 2, quia ponit aliquid retardans executionem; sed melius negat *Suar. de Voto* L. 5. c. 7. quia uti potuit non vovere, ita optare potest non vovisse, maximè si minùs cautè, vel tale aliquid voverit, propter quod sit ipso periculum gravius vel sàpius peccandi.

Q. 114. *Ad quid teneatur, qui vovit nunquam amplius ludere, v.g. chartis.* R. cum *Gob.* T. II. à n. 524.

§. 1. Si vovisti absolute non ludere, nîl cogitando, an de lusu tantum immoderato & periculoso intelligeres, an etiam de moderato, non teneris abstinere à lusu moderato, quia votum in dubio explicari debet in favorem voventis, uti dictum est n. 381, & docent cum aliis *Bonac. de Juram.* q. 1. p. 16. n. 4. *Tamb.* c. 3. §. 5. n. 57. *Dian. P. 7. T. 9. R. 56.*

§. 2. Si vovisti, intelligendo lusum etiam moderatum, teneris abstinere etiam ab hoc, quia perfectius est hoc privari propter mortificationem, *S. Th. 2. 2. q. 168. art. 2. in O. Sanch. Bonac. Castrop.* T. 14. D. 2. P. 7. §. 1. n. 3. *Tambur.* num. 58.

§. 3. Ex fine, ob quem vovisti, colligi potest, an comprehendenteris lusum etiam moderatum;

item an voveris non ludere etiam pro alio, nam  
 1. Si intendisti vitare jacturam tuæ pecunia, exclusisti solum lusum immoderatum, & quidem eum, quo luderes pro te, nam ludendo moderate aut pro alio, non incurris istud malum, hinc licebit ludere moderatè vel pro alio; imò & per alium traditâ ei pecuniâ & aspiciendo, nisi aliter conste de mente tua, ita Bonac. num. 5. Sanch. L. 3. c. 18. n. 7. Dian. R. 57. Castrop. num. 5. Gob. n. 526. Ratio est, quia licet hic inveniatur finis, ob quem vovisti, tamen res propriè non comprehenditur sub materia promissa, verè enim & propriè non ludit, pre quo alius ludit. 2. Si voluisti redimere jacturam temporis, comprehendisti ludum etiam moderatum, itémque lusum pro alio, quia verè luderes cum jactura temporis; poteris tamen per alium ludere, licet aspiciendo perdas tempus, Castrop. Tamb. à n. 59. 3. Si eo fine vovisti, ut vitares rixas, blasphemias, juramenta, hæc si nascantur, uti communiter nascuntur ex lusu, si fiat nomine proprio, aut ex jactura propriæ pecuniæ, non autem periculum habeas, si ludas nomine alieno vel per alium, licebit tibi ludere nomine alieno vel per alium; imò & ludere licebit per alium, licet hæc incommoda timeantur, quia re ipsa non ludis, uti antea dictum est; item licebit tibi facere sponsiones de hoc vel illo lucraturo, quia hoc non est propriè ludere, Bonac. suprà, Sanch. num. 8. Dian. R. 58. Addit Gob. suprà, si vovisti non ludere ad vitandas rixas, non fore mortale ludere cum hominibus notoriè pacificis: hinc 4. Universaliter loquendo, ex consideratione finis, propter quem vovisti, potissimum metienda est gravis vel levis transgressio Voti, si v. g. vovisti non ludere, ne pecuniæ jacturam faceres, non peccas graviter,

si notabilem summam non exponas periculo  
jacturæ, neque si pro alio ludens multum perdas:  
Si autem ideo vovisti, ne tempus perderes,  
si non consumis tempus notabile, v.g. plus quam  
duas horas, non erit mortale, & ita de aliis; *Fagund.*

*Castrop. Sanch. num. 7. Tamb. num. 60.*

§. 4. Si vovisti non ludere, donec Pater tuus 455  
domum rediret, qui tamen in via moritur, putant  
*Bonac. n. 6. & Sanch. n. 15.* te nunquam posse ludere,  
quia nunquam redit Pater, sed *Tambur. num. 64.*  
rectius dicit ex mente voventis tantum esse obliga-  
tionem abstinenti ad tale tempus, quo Pater  
commodè potuisset rediisse.

§. 5. Si vovisti non ludere, nisi volente Cajo, 456  
si Cajus moriatur, non amplius obligaris abstinere;  
si autem fiat furiosus, adhuc obligaris, quia  
voluntas absolutè cessat per mortem, non autem  
per furorem, ergo secutâ morte non amplius atten-  
ditur, sed secuto furore adhuc exspectari potest,  
*Sanch. num. 14.*

§. 6. Si in vindictam vel signum malæ voluntatis 457  
vovisti non ludere cum certo homine, Votum  
non debet servari, ne sit fomentum iniquitatis:  
item si vovisti non ludere cum certo homine,  
in certa domo, certo genere ludi, quia credebas  
hominem illum esse fortunatum, te in illa domo  
vel ludo specialiter esse infortunatum, etiam  
non debet servari, quia hoc est superstitionis, ergo  
nequit esse materia Voti, *Navar. Sot. Sanch. num. 9.*  
*Bonac. P. 4. n. 2. Castrop. num. 7.*

§. 7. Mulier, quæ vovit non ludere, ut sic testetur 458  
dolorem de morte Mariti, non tenetur abstinere,  
quia hoc Votum est vanum vel de re indifferente,  
*Tambur. c. 15. §. 4. n. 3. Gob. num. 527.* Si tamen  
vovisset in gratiam Affinium, teneretur, quia  
Votum

Votum in gratiam hominis factum obligat. licet sit de re indifference, si homo, in cuius gratia vovetur, promissionem acceptaverit.

459 Q. 115. Ad quid teneatur, qui vovit non bibere vinum. R. §. 1. Tenetur efficaciter non desiderare bibere, nam qui promittit non bibere, primus promittit non velle bibere, quia voluntas bibendi eset voluntas violandi votum: non peccat tamen, si morosâ cogitatione detineret in delectatione potius, quia per votum non bibendum tantum excluduntur actus directe tendentes in transgressionem Voti; nec peccaret, si inefficaciter desideraret sub conditione Voti absentis.

460 §. 2. Quamvis voverit non bibere vinum ut sic vitaret ebrietatem, tamen non tenetur abstinere a cerevisia vel aliis potibus inebriantibus, est communis cum Sanch. L. 4. c. 11. n. 44. Gal. & aliis contra Cajetan. & Baldell. Ratio est, quia non sunt vinum, hic autem in re odiosa non defieri extensio ad illa, quae non comprehenduntur verbis; immo etiam probabile est non tenetur abstinere ab eo liquore, qui aliquo nomine vino afficitur, sed ita a natura vini discessit, ut non est materia apta Consecrationi, quale est vinum adulatum, Gob. in Quin. T. 5. c. 4. n. 11.

461 §. 3. Potest in Missa sumere utramque ablutionem, Azor L. II. c. 20; aut si sit Laicus, ablutionem post Communionem, Pasq. in Praxi Jejuni Decis. 235; & in utroque assentitur Gobat num. 10, quia haec non veniunt nomine potius vini, quem quis censetur sibi velle interdicere.

462 §. 4. Si non possit servare votum, nisi parum vino sumat, tenetur parum sumere, quia qui tenetur ad finem, tenetur ad medium facile & ordinarium. Pasq. Decis. 242. Dian. P. 3. T. 5. R. 61.